



三誌卷十三

有漢泰山都尉孔君之銘

君諱宙字季將孔子十九世之孫也天姿醇淑齊

聖達道少習家訓治嚴氏春秋緝熙之業既就而

閨闈之行允恭德音孔昭遂舉孝廉除即中都昌

長祗傳五教尊賢養老躬忠恕以及人兼禹湯之

罪已故能興朴二 辟幣濟弘功於易簡三載考

績遷元城令是時東嶽黔首猶夏不三 祠兵遺

畔未寧乃擢君典戎以文脩之旬月之間莫不解

甲服罪關三 擗田畷喜于荒圃商旅交乎險路會

鹿鳴於樂崩復長幼於酬酢缺三稔會遭篤病告

困致休得從所好年六十一延熹六年正月乙未

缺三疾貴速朽之反具慕寧儉之遺則窀夕不華

明器不設凡百卯高缺三述於是故吏門人乃共

陵名山采嘉石勒銘示後俾有彛式其辭曰

於顯我君懿德惟光紹聖作儒身立名彰貢登王

室闕關是更夙夜在公在公明明乃綏二縣黎儀

以康於天時靡撫茲佗方缺一彼凶人惡後俾缺二

商缺孔缺山有夷行豐年多黍稱彼兕觥帝額其

乃委其榮忠告告缺動缺

不刊億載揚聲延喜七年七月戊闕造

漢博陵太守孔君碑

君諱彪字元上孔子十九世之孫諡川君之元子

也君少履天姿自然之匹帥禮不爽好惡不愆考

衷度衷脩身踐言龍德而學不至於穀浮游塵埃

之外矚焉汜而不俗郡將嘉其所履前後聘召蓋

不得已乃翻爾束帶弘論窮理直道事人仁必有

勇可以託六授命如毛諾則不宿美之至也莫不

歸服舉孝廉除郎中博昌長疾病留宿闕遷闕京

歸服舉孝廉除郎中博昌長疾病留宿闕遷闕京

歸服舉孝廉除郎中博昌長疾病留宿闕遷闕京

府丞未出京師遭大君憂泣踰臯魚楚過乎哀謹
 畏舊章服竟還署試拜尚書侍郎無偏無黨遵王
 之素薦可黜否出關二度日恪位侍所在祗肅拜
 治書御史膺臯陶之鞅一恕鞅二參之鞅五律祗
 用既平關博陵太守郡阻山鞅三以饑饉斯多草
 竊罔不關賊劉關一張丙等白日攻剽坐家不命
 君下車之初關五教以博關削四凶以勝殘乃關
 三爰尚桓桓拯馬關害醜類已殄路不拾遺斯民
 以關地關每合天心關之所關不以強人義
 不以關三姓樂收而歸于關如父母順

如流水遷下邳相河東太守舉此關二君子風也
 未怒而懼不令而從雲行雨施關二大和海內歸
 公卿之任矣勞而不伐有實若虛固執謙需以病
 辭官去位關以孝竭關餘暇得德彈琴擊磬關
 二之味而不改其靜上帝棊謀天秩未究將據師
 輔之紀之綱而疾彌流乃碩乃關二卅九建寧四
 年七月辛未關三哀哉魂神超邁寂兮冥冥遺孤
 惻絕于嗟想形關二哀遠念不歆生群臣號咷靡
 所復逞夫逝往不可追兮功關三識惟君之軌迹
 兮如列宿之錯置易達八卦揆肴數辭述而不彰

祖賦詩皆讚所見于時頌闕二是故吏崔闕三王
沛等伏信好古敢詠顯闕乃刊斯石欽銘洪基昭
示後昆申錫鑒思其辭曰穆穆我君大聖之胄惇
懿允元敷其玄秀惟嶽降精誕生忠良奉應郡貢
亮彼我闕克明王道辯物居方周闕四也匹名朝
無秕政直哉惟清出統華夏化以典成奸猾殄并
賢倚闕庭帝重乃勛自闕二征所臨如神闕六之
翰先民是程宜乎三事金鉉利貞而繫白駒俾世
憤闕當享者莫匪爾極大闕三選矣不意于嗟
悲闕三息漫漫庶幾復焉所力咨乎不朽沒而

宋守御史中丞贈太尉孔公後碑

公諱道輔字原魯孔子四十五代孫其世系之詳
史冊記于國封爵傳其家名教所宗海內胥仰公
天性英異在髫年則舉止莊重言不妄發咸平中
舉鄉進士為兗州首冠明年春御前擢進士第時
祥符五年也釋褐彭原幕時年二十七州守初易
之後郡獄屢處駁議老吏嗟服彭原秩滿祥符九
年詔擢為大理寺丞宰曲阜主祠事不以私恩害

公義故貳樞姜公爲本道廉訪使行部過邑問公
稅廩庾公不對但高談皇王大畧姜怒按其邑一
一脩舉姜不能責解邑遷殿省丞入朝上章陳祖
廟制度卑陋不稱乞如脩崇優詔可其請命公躬
主沒事不日而成乾興元年遷太常博士天聖元
年詔入爲左正言知諫院公不避權佞左諫院七
年封章論事軒陛盡規忠言密啓無所隱避奏草
隨滅天聖八年春內出雙頭牡丹詔兩制館閣賦
歌詩以進公作古賦奏御引口臣非館閣不得預
於諫道正辭臣之職也大旨陳君臣王道箴補當

時上覽之嘉賞翊日有詔直史館又判三司理司
尋爲北蕃國信使舊名延魯至是改今諱焉至木
葉山虜主命宴遣臣就席侑公酒以小玉琖公辭
以不飲侑者既傳君旨又曰飲此則氣和公曰不
和無害但天性不飲耳虜君臣皆相顧使還以除
公左司諫充龍圖閣待制朝廷見語錄對虜主有
不和無害之說言事者繼進以謂正觸機會彼當
有辭陛見日上問之公曰契丹爲黑水所破勢甚
衰但每見朝使臣俾館候者預構語言挑探強弱
使臣一不敢對臣恐以此輕中國上大悅由是群

謗不能進判流內銓勢利絕私請孤寒得善地爲
當時所稱天聖九年出典汝陽以貳卿在單父也
亭侯密邇奉二親甚懼朝野榮之汝陽庶務澄肅
妍猾去境一日兵隸繫十餘輩云私渡黃河公亟
命釋之公自判奏曰頃者河決南燕分流及鄆有
司剽渡利於誅求今水復故道號爲乾河夫蒙之
田限以南北民情自便官禁未除寘之嚴科寔非
聖意優詔從之九年復判流內銓旋命公使北庭
賀正禮復命轉兵部員外郎在職天聖十年出知
滑州主田素厚過期而後赴明道二年

知應天府兼南京留守司是年館內而錢公在滑
之無及亟發倉以貸然後聞上父子室家相保者
惟南都焉纔十一月召入權御史中丞朝論肅清
權勢引避是年皇后郭氏將出爲金庭教主公亟
率諫官御史十人袖疏伏閣請對時后已有成命
上命內侍近臣就東上閣門引公等赴中書俾丞
相宣諭公曰某等外聞中宮動搖未詳德音願面
見陛下上已歸禁中不得已見政事堂時丞相與
公對立堂上丞相曰禁中事中丞不得知或不便
於聖人臣子非所安公曰人臣視天子與后猶子

之事父母也父母不和可以諫止未聞爲人子者
順父出母禁中事不當知丞相又曰漢唐以來亦
嘗有廢后公對曰一人太正天下待丞相如皐夔
日望致君如堯舜漢唐廢后何足取法丞相不能
對公拂袖引諫官御史出明日晨謁將至右掖門
有吏持劾赴馬前已除諫議大夫知秦州臺使促
行出都門時諫官御史十人皆一時名輩范仲淹
嘗謂所知曰孔公方正名天下所共知昨當嬰絳
之際言在不測觀其容止愈知公顏色不沮矣附
中臣之對答丞相之語凡若宿誓言有條理此過

於前所聞公景祐二年四月移知兗州公佩丞相
符歸故鄉專以鎮靜敦厚風俗爲務八月有詔就
拜龍圖閣直學士給事中初近臣有進百首詩者
時相奏可與直學士上曰此百首詩不如孔道輔
一言故有是命時貳卿新政秘書監夫人進封仁
壽郡君公自府解詣曲阜一舍之間旌旗鼓吹之
迎引後先耆幼懽呼遮擁行路至則爲壽燕樂下
私第榮遇之盛則有祖徠石守道先生恩慶堂記
具焉又以孟荀揚王韓五子排邪說翊大道像設
於祖堂西偏公爲之記觀其文亦足以見公之心

至寶元年党項逆節朝廷思得體貌大臣端本澄源拜公御史中丞公拜命受職知無不言無所回避奸邪側目矣上已許大用素忌公者畏其同列一夕事變且以治獄有附會明日罷御史中丞知鄆州二年十一月道輔自中丞出知鄆州初開封府吏馮士元以賊敗辟連知樞密節度參知政事程琳宰相張士遜以素惡琳而疾道輔不附己將併逐之謂道輔曰上顧程公厚今爲小人所誣宜爲解之道輔入對言琳罪薄不足治上怒以道輔朋附大臣故併出之公盡瘁感病行至滑之寧城

釋不起聞諸孤扶護旅襯歸葬於祖林祀之西高祖公娶尚氏淑令有文進封鄒國夫人子二人曰舜亮曰宗翰並中進士第女三人長適殿中丞李黃中封壽光縣君次適王氏次適張氏皆早卒孫七人若升若谷若古恢博忱恂皆仕嗚呼公平生以忠孝節義自任介然卓立天地間一旦被讒讒佞奸纖喜相慰勞茫茫蒼天無言而默識賢如揚震蕭望之猶不免當時謗公犯群邪衆惡雖遇仁主猶不得安其位行其道終於牖下復何恨焉辭陳公之說折節待遷手斲妖蛇不足爲公道者

此不復書公在位時諸子尚幼故平生風迹不能盡記惟宗益知之寔詳然常恨世無直筆天下銘撰皆爲勢利所屈不惟欺人耳目抑亦自欺肺肝幽有鬼神安得無過今所論次直欲質諸高厚表於方來矯勢利以傳信謹爲銘曰

聖人之後不必皆賢唐堯虞舜嗣緒頑然君子之德未必俱全子游子路科等分焉偉哉孔公賢德咸備自性達物以誠求志剛粹言大靜方宣地節義不回忠孝自遂長於圖治勇在除奸文能靖國可摧山視虜於掌憂國在顏孰知天意使去人

間謂天生賢爲宋左右胡其多難跋前踖後謂天祚聖爲孔裔胄胡其不延摧英隕秀人謂至難公獨爲易羗胡可誅麟鳳可致志今在泉功不見世神明共知良史勿記史筆是非人情好惡在昔難平于今孰保公墓祖林神物來護忠骨英聲長耀千古

工部郎中張宗益撰

金贈正奉大夫襲封衍聖公孔公墓表

至聖文宣王五十一代孫諱摠字元會曾祖諱若蒙襲封奉聖公贈朝奉郎伯祖諱端友朝奉郎直秘

閣襲封衍聖公宋建炎二年冬祀大禮赴揚州陪
位值兵大隔絕其弟端操之子璠已襲封訖長子
拯皇統二年三月補文林郎襲封衍聖公無嗣其
弟摠大定三年七月補文林郎襲封衍聖公管勾
先聖祀事公三歲而孤幼稗警悟及長力學自強
通春秋左氏尤喜韓愈詩文談論簡尺多引二書
先輩多稱譽之公職在嚴奉林廟草木諸人無敢
輒犯宗族之間少長有禮人敬其勤復畏且愛一
日顧瞻鄆國夫人殿私自言曰生爲人子孫而謁
當其職使之陞陞如此寧不媿於心乎乃親率佃

戶辨券并之其入東之蒙山躬親拈探代...
楠者旬有餘日連車接輦以歸起西廟尼山廟兩
處鄆國夫人殿及大申門家廟齋廳祭祀庫計五
十餘楹彩飾圖繪畢備朝廷聞公名召赴闕欲留
隨朝任用公力辭職專祀事不宜妨職任之不專
則特授曲阜縣令未到任歲大旱既到任甘雨三
日而止稼穡益茂歲仍大熟公精勤吏事縣署至
所居住返十餘里及晚治縣無一日稍闕差科甚
均詞訟無滯親族有訟即移佐官無少長皆向意
諸村當首人舊驗物力差當公預令定奪相與

以公文告示比至其人已自承認交替不復更至
 庭下每歲夏絹凡丈尺小戶舊合併全足輸納
 村首目皆自斂掠公正令依市價積算和買使併
 起納盡革舊弊縣城摧壞官計工修築公戒
 者曰慎勿拆廬舍壞塚墓若廬舍有礙當
 之塚墓有壞當以已俸完之二者既安吾心亦安
 矣其有不成盡無主暴怒枯骨當速人
 有碑曰叢塚邑人
 謝內一人前云
 又得十餘副復夢來謂
 一年以下

育一日夜夢異人衣冠偉然告曰今此非爾子後
 丑年庚月丁日所生真爾子矣當名元措公儉於
 奉已厚於賓客周惠困窮不問家之有無娶泗水
 孫氏宋副樞密孫傳之女孫後封魯郡太夫人又
 娶泗水侯氏二子長即元措今襲封衍聖公次元
 絃業進士女一人適兗州宣武韓昂公享年五十
 三終奉直大夫以子貴贈正奉大夫嗚呼孔子之
 澤及於無窮國家褒崇之恩方自此始又豈止此
 而已哉

翰林學士党懷英撰

故奉訓大夫襲封衍聖公世襲曲阜縣令墓銘
夫帝王之有天下功德無比于舜禹舜之德禹之
功巍巍蕩蕩無能名焉宜優裕以覃于後昆然不
過禪繼當代歷年而已大哉

吾夫子不有天下其道也如日月之得乎天其澤
也如江海之麗乎陸攷文照長源而光潤世家衍
餘慶以至於公公諱之全字工叔聰已足學竟
而能容出辭氣而欲訥正顏色以自如宗族以孝
稱鄉黨已弟聞是以行積於內而名得掩於外哉
初自祐二禩以全宣南幸河朔不安我故襲封太

中辟陞之汴擬兄元用攝祀事即公之父也無幾
宋有山東以寶慶元年授元用襲封衍聖公世襲
仙源縣令出爲兗州簽判二年改授濟州通判兼
京東西路安撫司主管機宜文字是年八月朝命
特授其子之全迪功郎襲父世封時方擾攘飢饉
人或弔之曰得仙源何衰耶東近費而山林曠西
遠濟而藪澤深邾險強其南龔固暴其北此無援
孤城介彼割據可謂難矣將曷以弭衰耶公固不
以盤錯曉之但以順辭而應無殊芥蒂自沮益之經
晝治不旋踵視人民之安集林廟之修理兩盡其

備矣聖朝恢復宋之侵疆時先太師以王爵統諸道兵承

制封拜丙戌二月授公承德郎爵秩如故己丑

便宜元帥石侯遷奉訓大夫壬子 宣差萬戶嚴

相承燕京 行省劄付亦泐典故以世爵授之弋

無增損公五歷授受而不出

祖庭曾不以浮藻銜露已要時譽侯伯取累累甄

獎謚宜聖人後襲聖人澤以得之也非求而得之

也公方籍籍將有用焉以病薨于私第之正寢享

年五十有二娶沛邑抹撚氏亦世封之後今祔焉

有子三長曰治今襲職縣令兼權主祀事次曰澄

次曰濟皆以勤學見稱三女長適壽春大姓郝安

次蚤卒次適秦定軍節度使馬霄噫梁木壞兮千

九百年瓜瓞綿兮五十二世尚食聖德之名氏不

撥深根之本支奕葉休光傳方永世豈類夫澤五

世而斬者哉石之嗣守者可不潤色之其子治以

父葬未遙歆已石表其墓不遠百里求文于僕僕

辭之載四竟不容已姑撫行狀而次叙之知之者

智不允牢讓不知者誚其不揆也銘曰

堂堂孔公 生而維聰 自彼初學 舉措不童

曰益淬礪 經史淹通 潤色孝弟 有始有終

訥言敏行 維公天性 溫恭浹洽 維公家法

二十徵庸 襲父世封 政出清白 邑人被澤

祀底孔將 祖考來格 能事不瑕 以起東家

宜聖人後 發揚何有 勒成銘詩 式傳不朽

兗州教授張鐸撰

宣授太常博士兼曲阜縣孔顏孟三後教授楊庸

篆額 門壻濟州教授楊桓書丹

中統五年三月二十有五日

元贈中議大夫襲封衍聖公孔公神道碑

夫子之道偕天地而無既

夫子之澤垂沒世而無窮群聖百王莫不是承而

况於子姓者乎朝列大夫濮州尹致政孔思誠以

書幣緘父祖三世德業之狀命文淵謹按素王世紀思誠

其下墜厥緒之寔文淵謹按素王世紀思誠

宣聖五十四代孫也公之曾祖諱元用字俊卿當金

季政亂遺棄宗社播越南遷中原不守幾二十餘

年羣盜攻剽畧無暇日時天兵壓境公以林廟為

重乃率孔族暨庶姓以降其大帥太師國王承制

封拜以公夫子適派授承德郎襲封衍聖公世襲

封拜以公夫子適派授承德郎襲封衍聖公世襲

曲阜縣令以公有文武才復拜其子之全襲封衍
聖公仍令其邑授公兵柄攻取益都累有勝捷後
沒於王事曾祖妣聶氏封宜人婦德爲宗族楷範
一子即之全字工叔襲爵一十五年金已前襲封
公元措來歸同謁武惠嚴侯因公讓曰以賢以長
責在吾叔以公爵遜之元措乃言曰子父子保全
林廟當世其邑武惠允之仍居邑宰二十餘年歲
在壬子公復授襲封衍聖公爵祖妣抹撚氏名門
右族貞孝慈祥三子長曰治抹撚氏出次曰
氏出次曰濟郭氏出公先考諱治字世安亦

已孝友仁厚公謹廉明文章政事爲一時稱首弱
冠從翰長鹿庵遊同門李孟閔徐恒以斯文相諮
議年登二十襲尹鄉邑鷄鳴而起座以待旦勤於
庶務聲達朝廷其待同寮愛百姓咸盡其道時潛
齋揚君師表于魯公退食執弟子禮得知新之益
損齋揚公繼之復從游盡仕優則學之道和下處
士任公持正嘉其才德以女妻之其內助居多壽
四十一先公卒贈東平郡君再娶畢氏一子一女
皆任氏出子即朝列公也女適長垣尹張執中封
恭人於公二弟甚相友愛中統四年公始攝祀事

嚴繫典禮惠睦宗族特炊之家百室之半至元三年公謂權祀之職匪事功何以塞繼述之責聞于上賜白金五十錠重修

啓聖王殿葺書閣勅還廊以石易木殿楹并新築垣圍廟百堵皆作至元六年罷洒掃戶凡廟庭大祭維豐維潔咸備于已三十餘年給國家南征之役以才幹聞五事成效最于一道年五十三告老以男思誠襲替世尹陞公奉訓大夫知單州事將行戒其子曰無妄怒輕答楚人邑長者如汝父兄幼者如汝之子弟可不慎乎其單州也興學校延

名士以成士風時憲府貴公按問有倫有要人自以爲不究至元二十八年擢公奉直大夫知密州事首勅儒學三皇廟正彝倫明禮法建醫學濟斯民扶仁壽導江張公洎損齋楊公碑刻悉焉元貞改元公見成宗皇帝于上都時大臣奏至聖文宣王孔夫子之嫡孫其祖元用以軍功沒於王事寔開國立功之臣治權奉祀事三十餘年有德有文可襲封爵

上可其奏仍賜坐慰勞甚厚特授中議大夫襲封衍聖公以祖庭儀等之制飛章于朝賜尚珍署

田五十頃復給灑掃戶重脩禮殿從公請也作堂私第各以詩禮示不忘過庭之教也辛泉楊公大書之紫山胡公記焉大德十一年冬十一月九日公薨于私第之正寢享年七秩有二冬十二月望日葬公于宣聖墓西北任氏禮之濮州尹朝列公由鄉縣以師表國學復授安慶推官尋知息州丁內憂不赴繼拜僉江南湖北道肅政廉訪司事以朝列大夫濮州尹致仕公之所處皆有能名其忠孝廉勤皆先公教誨之力也公娶翰林應奉任君之女振處士公子也再娶畢氏牛氏馮氏封魯

郡君孫男三人長曰克欽牛氏出授從仕郎承襲

世尹權奉祀事娶東野嘉議公女次曰克紹娶臨分尹馬鏞女次曰克容馮氏出又孫五長適廣東

道廉訪使楊倬次適本縣儒士呂恪次適蘄州路

府判馬侃子元魯次適主泗水簿馬克仁次適禮

部尚書李庭寔孫士良其子孫端潔繩繫如此我

公德業益茂矣文淵謹考世紀自子思子叙正傳

漢唐以下安國穎達而已我朝隆盛天生數公者

赫然聲烈著於兩間保林廟以佑鄉民好學不倦

以承道統力陳大義以新廟庭近能迂績累世之

忠孝遠能紹述先聖之心法以欽承有國右文之

與故爲之銘昭示後世彰我聖人溥嗣之恩渥於
無極云銘曰

天生夫子師表百王慶流萬古奕業隆昌天朝受
命休有烈光素王之裔帝錫純良扶文拱武以保
魯疆象賢世色以死勤王特歟乃祖公爵是承孝
思惟則天子來寧嗟若先考幸新聖宮濟人利物
以孝移忠繼述祖道朝覲帝容帝若曰噫汝襲祖
封賜田復戶命爵上公文宣之澤萬類含春永遵
心蹟拱視北辰天清地肅正我勳勞倫績茲譜世
貽後人

翰林學士國子祭酒蔡文淵撰

故承事郎興化路經歷孔公墓碣銘

公諱元敬字忠卿號達泉

宣聖五十一代孫四十八代諱端修進義校尉以族
長爲陵廟主公曾大父也四十九代諱琇學究出
身公大父也五十代諱鼎開封縣令濟兗單三州
宣課提領權主祀事提控監修祖廟公考也妣仇
氏以乙未正月十五日生公兒時坐立巖然類成
人見者咸器重之天性篤孝比長奮志勵行不冝
與庸常伍權祀公初以宗系失傳率再從兄弟之

子之文辨正于有司而襲封元措東平嚴侯外舅也甚甚之欲致于死地囚繫重獄世祖皇帝時方居潛撫軍伐宋次于濮公年甫弱冠一日夜馳數百里懇于轅門

上一見竒之謂左右曰有福人也即日遣宣尉謝二把都乘傳傳旨釋免且命畢事從行既問安即以犇命告侯滋不欲謂權祀公曰必令若子侍微行得欲無相見乎用是不果至元丙子天命平宋總管濟南張公挽俱南游行省辟充江東宣尉司照磨改池州青陽縣尹時干戈甫戢城邑第

宅咸罹兵燹官府草創箕歛不執民未習新典往往辟區山谷間不敢出巨胥漁吏乘時疑囑項覆其家產公到任疏禁網布誠心節用度薄賦役令於邑曰有能徙居城中者復之不期月市肆成聚政孚人和監察御史申屠公大用憲使王公鵬翼以五事備舉之秩滿寓金陵江南行臺辟以掾史不就中孚劉公伯宣宣尉周公伯英交薦于行臺俾司浙東海右道按察之積銀囚溫之平陽有寬繫累年不決者公察其誣遂釋之時東陽玉山群寇蠢起連抵越城臺議遣官招撫僉曰非孔忠卿

不可檄至毅然不辭冒鋒鋌入其窠穴曉以禍福
寇不敢進會參政夾谷公領大軍至公手煞元惡
數人兵繼至悉平之諸校各効俘虜玉石不辯俾
公別之公止籍其渠魁脅從無辜數萬人皆縱還
鄉井或稱譽其善亦無德色第曰義所當爲調福
建閩海道未幾陞從仕郎郇武路經歷時土寇晝
掠民財滋橫公與總管趙哈八都捕戰之由是屏
伏府中大獄同列析律比例文致具案公曰法意
不如是原情破之主者不能決兩上其議中書事
下一從公擬他日復有擬於法如是如是或又入

上之數次靡不如公所擬絲是上下服其明允刑
訟清吏欲生事無繇民深德之繼遷承事郎興化
路經歷遂引年致仕大德丙午四月自金陵歸謁
闕里墳墓修祭祀燕宗朝會交友恂恂然怡怡無
毫髮芥蒂於胸中九月十五日卒于故家之正寢
春秋七十有二公形質英偉襟量廓達處宗肅睦
接人謙和削去修飾而舉自比於禮其在官也守
法嚴而信行事公而平不趨時貴不附權勢從仕
三十餘年未嘗一謁選部出處進退知有命而信
之其中泊如也平生汲汲惟纂述聖德保守家傳

為終身事以祖庭廣記闕故周流江南北徵求文獻與樵川老人賴君仲秉修撰素王世紀一十二卷錄梓傳布四方而藏其板於林廟曰此予之志也故其卒族屬尊卑聞訃哭于家故舊哭于里鄉黨搢紳大夫士于所主哭之無不哀嗚呼若公者可謂有君子也初娶東平昭勇賈公之女孫先卒娶前金左丞張公之女孫繼娶忠穆史越王曾女孫子男四人長之熙承事郎德安府雲夢縣尹次之敏池州青陽縣稅使次之載贈承事郎太常博士次之傑深澤縣儒學教諭又出也女二人長適

福建閩海道宣尉陳偉之子次適北京庶僕趙哈都之子孫八人長洵東平路儒學教授次淳將仕郎安慶路瀟山縣主簿次渙將仕郎衛輝路新鄉縣主簿次洽台州路儒學教授次洳江南湖北道憲司書吏累遷江南諸道行御史臺監察御史陞承直郎本臺都事次涇從仕郎翰林國史院檢閱官餘蚤卒曾孫十三人長思權思貞益州膠西縣教諭思衍磐陽路教授思鐸思桂思恭漳州路教授閩憲書吏思復泉州路泉山書院山長海北道憲司書吏思貴孔穎孟三氏儒學教授思益思

檜思措思標思桓玄孫克清克留承事郎曲阜縣
世職知縣雲孫十人圖在碑陰以是年十有一月
二十七日塋

宣聖墓西北五十步後三十有六年訥始來請銘曰
世父稅使卒以先大父未獲當代立言家銘囑諸
先子先子繼有所請未遂而卒以囑諸不肖孫日
月逾邁惟恐不克負以隕先志今江南行御史臺
中丞王公旣狀其行矣謹以為請嗚呼公為賓於
吾鄉之幕予時總角在小學中侍講說公每掀髯
喜謂鄉先生曰此兒誦四書琅琅如流泉他日必

有聞可善教之或與果或牽以行至上馬乃止儀
形在目猶隱隱也後為校官東陽識從仕於富沙
耳攝其聲目觸其貌不覺淚墮及來鄂遇柏府掾
綽然不減前人風私竊念君子之澤流而光者方
來而未艾也嗚呼以清老之不敏而獲知於公及
其再世則斯文其可辭乎既序乃為銘曰
洙泗同源山川一雲積之渾渾乃流而分賢哉孔
君忠孝有聞其躬不羸在其子孫

奉訓大夫湖廣等處儒學提舉黃清老撰
中奉大夫湖廣等處行中書省參知政事蘇

天爵書丹

御史中丞王士篆額

故洙泗書院山長孔公墓誌

先生諱濱字魯臣

宣聖五十三世孫宋刑部侍郎宗翰其八世祖也大父諱元恩父諱之英之英子四泗濬濱藻濱即先生自成一童敏悟絕人種學積文年甫弱冠沈潛理學旁搜子史遂成名儒處父母昆弟盡其孝友待宗鄙嫻咸有恩義既而領薦授洙泗書院山長循循善教亶亶忘倦克繼前修汲引後進繇是士子多所成就年六十以疾卒于家塋

祖林之西北配李氏祔焉子男三思範思政思常孫男四克淵克砥克一克中曾孫十二人希誠希詠希誼希古希崇希韞希升希勉希蒙希準希敬希琴玄孫九人諱檐訓諱蹇論諱訪管永樂甲辰夏先生之孫世職曲阜令即克中也狀行寔之槩踵門徵誌塚石且曰舊有碑文歲久漫滅莫攷夫今不啻恐泯先德無以昭示來葉執事幸毋讓焉余既按狀論次為之志夫以先生之德行文章不得取顯融居館閣以大其設施而遽止於是可惜也然若孫若子之賢克允其宗刻此方珉揚芳

千祀亦足以慰於九泉矣

魯府伴 讀進士莆田黃謙益頴撰并書

故襲封衍聖公贈中奉大夫河南江北等處行
中書省叅知政事護軍追封魯郡公謚文肅孔
公神道碑

公諱思晦字明道孔子五十四世孫也曾祖元孝
祖之厚贈亞中大夫濟寧路總管輕車都尉魯郡
侯父浣贈嘉議大夫禮部尚書上輕車都尉魯郡
侯母李氏追封魯郡夫人公生至元四年七月天
姿穎秀羈貫詩書已識大義導江張先生頴為三

氏教授公授業焉講求義理薄詞章尊德行家貧
躬耕雖劇寒暑不懈于學先生深器重之甫年十
有七禮部公棄世喪塋以禮奉母以孝聞遠近爭
聘致為弟子師大德七年遊京師國子祭酒耶律
公有尚謀薦辟之以親老固辭至大元年太夫人
卧病躬進藥餌衣不解帶及居喪勺水不入口者
五日三年喪畢三氏教授舉茂才授范縣儒學教
諭延祐二年調寧陽學先是兩邑校官率以廩薄
不能受職公儉約自將教養有法比代皆輓留不
忍舍三年族人今議以公嫡長且賢宜襲封爵主

祀事上政府未決平章政事李韓公借禮部力主
之會仁宗皇帝問孔子之裔迨今幾世襲封爲誰
李公具以對仁宗親閱譜若曰以嫡應襲者思晦
也復奚疑且以前襲封秩卑俸薄遂授中議大夫
襲封衍聖公月俸自百緡加至五百緡鑄印四品
泰定三年山東廉訪副使王鵬南言襲封上公而
秩正四品於格弗稱且失尊崇意明年陞嘉議大
夫至順三年改鑄二品印公自以宗祀責重恒懼
弗稱莅事之際必敬且慎初廟燬於兵後雖苟全
而樓角圍墻未備乃竭力營度卒復舊規金絲堂

壞儲時祀餘貲葺新之不足補以已俸繪飾從祀
塑像補完祭器禮服請于中書置江南郡縣書籍
尼山毓聖之地廟毀而碑存居民冒耕祭田且百
年矣稽諸典故言於部使者命鄒縣長沐陽令往
覈之復田百五十畝歲入粟四十有八石因請置
尼山書院三氏學田三千畝在沛縣之刁陽爲豪
民所據檄州與沛縣歸侵疆州官受賂敗其事公
往復辯議再歲克定鄒縣子思書院舊有錢百緡
貸於民取子錢供祭祀久則并負其本移憲司徵
之前代封聖父齊國母魯國公言于朝宣聖封王

而父爵猶公願加褒崇有旨加聖父啓聖王母王夫人公府初止設掌書一人書籍音樂無司之者金穀無任出納者以是爲言遂置典籍司樂管勾凡二人分掌之祿秩視國子監且給管勾印掌書祿視寺監五季時孔未之後方盛欲以僞滅真乘亂害宣聖子孫幾盡其後欲冒稱公以爲不早辯則真僞久益莫究彼於我不共戴天乃共拜殿庭而列于族可乎遂會族人稽典故斥絕之家譜石刻既燬因叅考廣記諸書重刻焉元統元年寢疾閏月乙巳薨于寢異香滿室群鶴百餘翔于上

又見神光自東南隕於舍北云已晉葬祖塋西
可也張氏封魯郡夫人子男一人克堅爵嘉議大夫襲封衍聖公至正八年陞二品銀章進中奉大夫後歷官同知太常禮儀院事治書侍御史山東東西道肅政廉訪使集賢直學士禮部尚書陝西諸道行御史臺侍御史遷國子祭酒女四人適李德明孫大用喬元善馬元用孫男九人希學嗣爵中奉大夫襲封衍聖公希說希範希進希麟希鳳希順希尹皆國子生希贊其季也孫女二人曾孫男五人女四人公端重簡默動容不苟嗜學誨

人本乎真誠於宗族允隆恩義嘗曰吾家祖宗遺澤殊流同源可不念諸或不自給者周之子弟皆籍于學教養不怠女兄適裴氏而貧迎養甚謹女弟末疾且不慧起居必待於人每親為頽沐性尚清素疎財好義嘗市物隨所需直酬之或謂彼市道之人胡不議其值而後償公曰吾以誠心待人其忍欺余哉所居就襲封舊廨不改作終不構私室其寔已家無尺寸之遺公暮年多疾未嘗廢書作字端楷可法故三氏子孫與凡四方受其德而

以平計後十有七年贈中奉大夫河南江北等處中書省叅知政事護軍追封魯郡公謚文肅克以江浙行省左右丞汪公澤民守兗州時所述行狀屬林廟學正夏以忠來俾素論撰先德篆銘神道之碑素不敢以固陋辭則序而為之銘銘曰微子之胤篤生聖師歷聘侯國式扶民彛維文肅公五十四世克昌其家宏廓震厲導江張氏學探本源授業三氏遊道之園有粲群經出自屋壁芟闢蕪辭毋俾秦塞濮有范縣充之寧陽教行下邑絃誦琅琅瞻茲大宗猶秉周禮襲封上公明斷天

啓超進華秩匪公之榮右文貴德天下化成公在
魯邦士有標準胡不遐齡者碩斯隕際子暨孫丕
承寵光節惠易名錫命煒煌爰述始終刻名闕里
與國咸休宜受多祉

翰林學士臨川危素撰

國朝故襲封衍聖公國子祭酒孔公神道碑

堯舜禹湯文武及孔子德皆聖人惟孔子不得位
而功最高天於恒人有一善且昌其後昆况德之
天地功施萬世而身不食其報者乎堯舜禹湯
武皆王天下故子孫受其祉有限孔子無位故

慶餘澤被其子孫者無窮自斯民之生未有若孔
子之德而無位者也亦未若孔子之傳世久遠
而襲爲封君者也嗚呼天之報聖人者其在茲乎
公諱克堅字環夫世家魯之曲阜孔子五十五代
孫也曾祖曰之厚贈濟寧路總管輕車都尉祖曰
浣累贈通議大夫禮部尚書上輕車都尉皆追封
魯郡侯父曰思晦嘉議大夫襲封衍聖公累贈通
奉大夫河南江北等處行中書省叅知政事護軍
追封魯郡公謚文肅曾祖妣女真氏祖妣李氏妣
張氏皆追封魯郡夫人公少廓達通敏日誦千餘

言後學極博精尤

秋左氏傳文肅公薨襲封

行聖公偕嘉議大夫元重紀至元之年上疏請脩飾廟像順帝可其奏賜山東曆日錢之半給其費命監察御史族人思立持楮幣二萬五千緡勒石以紀成績至正六年中書謂公爵與階不稱奏階之制授中奉大夫易銅章以銀十五年平章政事達世帖木兒薦公明習禮學徵爲同知太常禮儀院事以子希學襲公爵是年冬帝親郊公攝太常使盛服襜然登降有容觀者稱爲達禮御史大夫嘗言公材宜近侍左右拜中臺治書侍御史

公辭歸明年拜山東道肅政廉訪使既受詔復辭會山東兵亂公率家人北行次藁城丞相賀太平奏召公勦賢直學士希學爲秘書卿遣使者即藁城起之公至燕都剽盜毛貴犯畿甸且迫廷議棄燕遷關中公曰天子當與社稷宗廟俱爲存亡烏可棄而他之今勤王之兵頗衆與之決戰盜可平也如公言盜果敗去十九年遷禮部尚書知貢舉時四方士避亂多集都邑公請設流寓科以取之是冬擢陝西行臺侍御史李思齊及察罕帖木兒三軍爭秦隴相攻朝廷不能制陝西行省丞

相帖里帖木爾 緬思齊降將命張良弼禦之及中丞
達渙諍曰不可二軍不敢舉兵犯奉元豈其力不
足哉特以無名耳今納其叛將而出兵禦之是引
虎使噬也丞相不從渙亦被劾去公怒曰謀之不
善亂且至矣遂自劾而歸月餘二軍及良弼戰于
鹿臺奉元果陷二十二年除國子祭酒帝賜上書
太子書大成殿額以賜公以世亂不樂居位竟謝
病歸闕里營別業城南以居後起公爲資善大夫
集賢學士不就復以公爲山東廉使卒不起二
十八年

天兵取中原

皇上手詔趣公入覲待以賓禮而不名賜廩祿不煩以
職郊社必致膳肉撫勞甚至洪武三年春以疾告
遣中使存問疾篤詔還公於家給驛以行賜白金
百兩文綺八端他錢物稱是三月二十八日次
下邳新安驛薨于舟中壽五十有五希學奉喪歸
以六月十三日塋于孔林之孔子墓二百餘步公
寬厚樂易事親極孝遇族人有恩與人交不爲掩
覆之計一以誠信豐下美髯容止甚都順帝以福
入稱之公娶張氏濟寧路總管子仁女封魯郡太

夫人丈夫九人長即希學次希說希範希遊希麟
希鳳希順希尹皆元國子生希贊其季也女二人
男孫十九人長曰訥曰譜詢謹誠端諒諤嘗譏
調評諛譏譽謹許詮女孫十八人曾孫四人長曰鑑
曰鐸鈞鐘曾女孫四人希學今資善大夫襲封衍
聖公每歲朝正於京師

上寵錫之甚厚以素渙狀來請曰先公歿今十年而墓
道之石無文以刻恐休德不聞於後世人其謂何
漣嘗獲識公且與希學善雖老矣其忍不銘銘曰
天命入聖為萬世師廓幽昭潛而施口輝力加

舜位則不有歛其惠澤以昌厥後歷年二千有興
有亡五十餘世封君相望自侯而公愈遠彌貴桓
圭衮衣肅將祀事惟公紹家敦大且文人曰休哉
聖師之孫入為秩宗左禮右樂格於幽明上下允
若亂兵趨燕宗社震驚君臣合謀棄而西遷公曰
不然君死社稷以正伐亂勝不以力王師燁燁如
虎如豝盜遁南夷公寔啓之關陝之間將驅胥豷
彼謀不滅以水止潰公謂元戎世方興亂無失厥
防以速其叛言滅不從不滅是為禍將逮身云何
弗歸璽書迎拜俾掌邦教大訓宏謨敷聖之道士

宇日隳位其可居退脩于家琴瑟詩書

皇明御極取聖為則陟降

帝庭禮儀有翼生享其榮死篤其承云誰致然聖澤休
明惟聖之澤如山如川有址有源以永厥傳繼聖
惟賢守位惟德載續延聲後嗣是式

翰林學士兼太子資善大夫金華宋濂撰

大明文林郎曲阜世襲知縣孔君墓表

大君出治而夫子之道愈尊至德垂休而
益重斯固物理感召之必然唯聖人能知聖人也

太祖高皇帝驅逐腥羶肅清寰宇功德兼隆帝王罕儷

當定鼎之初詔誥天下即褒嘉孔子之道優禮其

後人於是嫡派則襲封公爵支裔則世襲邑尹與

夫蠲徭蠲稅

恩至渥也而親被寵綏仰承眷顧則自君始焉按狀君

諱克伸字剛夫寔

宣聖十五世孫也高祖諱元用字俊卿曾祖諱之全

字工叔皆襲封衍聖公兼曲阜縣令祖諱澄字世

寧贈翰林待制奉議大夫驍騎尉追封曲阜縣子

父諱思履字義道登仕郎獲縣主簿母畢氏繼母

樊氏公性純孝敏達博學能文尤善詩賦勝國時
以茂才薦上黨儒學教諭以師道自立人材多所
成就再遷豐縣教諭晝夜講明聖學勤以率之諸
生樂爲之受教士風丕變值元末養親于家穰縣
君老扶以避難流離中奉養備至逮海宇削平而
穰縣君年齒已邁不能任則肩負間關而歸鄉黨
莫不稱其純孝洪武七年因曲阜知縣闕員乃降
綸音令親族保賢而有文者龔其職衍聖公希學同族
人孔思矩二十八人從公保舉孔克伸資稟明敏
操履清備素有剛直之稱殊無阿諛之態務躬耕

奉甘旨有餘力則必學文揆諸宗族之中鮮有出
於其右已嘗委克舉事衆皆服其公平若有斯人
於曲阜縣知縣內擢用誠爲相應所舉不當甘服
罪愆是年四月二十一章上

太祖高皇帝御奉天召克伸入見威儀間雅禮度雍雍
上曰你曉得作詩麼對曰臣頗曉上曰頗曉即
是曉的禮部官賜他紙筆就以蔣山爲題克伸俯
丹墀須臾而成其詩曰壓盡群山素有名巍巍雄
勢獨崢嶸數峯碧玉朝

天關一帶鏢屏映

帝京雲竇雨晴龍虎現月巖風暖鳳凰鳴應知
聖主無疆福日聽豈一崙萬歲聲詩呈

上朗誦數四喜動天顏笑曰莫說你別才調只這首詩
也膺做箇知縣恁多官將此詩與他傳播天下克
伸稽首而退

上顧謂侍臣曰真孔氏子孫也遂授是職

賜之勅命君下車之初招撫流亡督勤種植興學校

舉賢能惠政洽於民心聽斷明免賦役均平睦恤

宗族嚴潔祭祀脩葺

祖廟尼山洙泗書院三百餘區自奉儉約於官廉慎政

治嚴肅奸吏不敢侮文弄法盜賊屏跡民受其惠

尤於養老慈幼加之意焉民畏威懷德境內大治

當國初

皇祖法度森嚴之日恪尊成憲循良見稱

寵褒屢下任且久無纖毫過愆民至於今誦之配李氏

有賢行克稱內助子三人希祚希武希緒孫男卜

人公生於元文宗至順三年壬申八月十八日卒

於

大明洪武十四年辛酉正月初六日享壽五十卒於官

嗚呼君裔出聖門惠福鄉邑文章政事照耀當時

予生也晚不能聆先達之警咳猶得聞仁政之風也其孫曲阜世尹讓以狀來請文表諸墓道故不敢辭而系之詩曰猗歟孔君

先聖聞孫德以惠邑學以聞身惟我

高皇孔道是尊優典載加爰及後人嫡則上公賢則長民卓彼茂材薦謁

天闈詩動

龍顏譽洽縉紳宦輒書香花縣鳴琴并棠遺愛口碑是

存休光遺烈名播千春德符先哲慶衍後昆

賜進士正議大夫資治承宣禮部左侍郎兼翰林院

學士知制誥寧陽許彬撰

故資善大夫襲封衍聖公孔公神道碑

洪武十四年秋九月二十日宣聖五十六代孫資善大夫襲封衍聖公以疾終于正寢越三年為洪武甲子春正月其子訥以服闋入覲禮官引見

董蓋殿

上問以宗族蕃衍子姓賢否訥奏對動合禮度即

命館于太學翌日召嗣襲封衍聖公

御製誥詞以賜既受封之五日出前左司員外郎王翌誌其先公墓誌銘示予曰不肖孤負荷先德忝嗣

厥世

聖天子不以訥無所肖似俾襲顯封位列公爵惟是先
考之卒雖紀其歲月納諸壙中墓道碑石尚未有
刻先生執司文衡捨先生其誰托哉敢固以請既
還之四月復以書來速遂即其世系封爵卒墓月
日以著之文按公諱希學字士行為先聖五十六
代孫曾祖沅累贈通奉大夫禮部尚書上輕車都
尉追封魯郡侯曾祖妣李氏追封魯郡夫人祖恩
晦嘉議大夫嚴封衍聖公累贈通奉大夫河南江
北等處行中書省叅知政事護軍追封魯郡公謚

文肅祖妣張氏追封魯郡夫人考嚴封衍聖公通
奉大夫國子祭酒妣張氏封魯郡太夫人公性明
敏好學尤嗜漢隸甫冠即有成人志二十一歲祭
酒公始起同知太常禮儀院事以公嚴封公克自
樹立於經籍子史靡不研究問學優贍文詞雅馴
每賓客讌集談笑揮洒輒以成章皆出人意表觀
者竒之四方好事者多求公書隸得之則什嚴珍
藏元季兵起青齊蔓及闕里公誓不污於亂即間
道走越城得賜見拜秘書卿仍嚴封爵歲戊申我
皇明初革元命海宇以次平治朝詣行在

上清問下民公即以歷代治亂條對後容有序甚嘉
納之自後歲入覲于京賜予稠疊

恩禮益隆每正旦

上受萬國朝賀特命公班亞上相始至中使慰勞館
饋下及童隸無不霑給蓋其誠意所動

宸衷特加異數也祖庭兵後日就圯壞所費浩穰公
從容措置期以歲月卒就成功復祭田侵於豪民
者五十頃禮器禮服樂舞儀式以次備舉燁然一
新卒復舊規年四十七以疾卒遠適大夫士聞者
莫不悼其不克于壽也訃問

朝廷遣使禮祭是年十一月塋于祖塋公凡再娶先

配董氏中州功臣世家贈魯郡夫人繼室孫氏前
進士遼陽行省平章彥明女亦卒皆附塋于男二
人長曰訥董山也次曰譚孫出也

女一人長適淑南揚鎮撫子名思次在室孫男一
人曰鑑尚幼公昆弟九人在公爲長次希說希範
希進希麟希鳳又次希順希尹希贊皆有文學家
庭雍睦爲東魯家法余記弱冠遊太學師事助教
陳象仲先生而公之父祭酒公寔同齋舍者有年
情好日洽後幾二十年當元季起兵公問道歸朝

時祭酒公陞集賢大學士公亦集秘書卿咸羨聖
裔繼承之綿綿也余於今獲領太學而公之子
訥又已襲封號則知公者莫余若也請銘矣敢辭
銘曰

聖澤汪洋厚德流芳公承其慶奕世彌昌才鬱乎
中鑑其琳琅脫畧芳葩惟德是將

皇明啓運奄有萬方崇文右教盛際虞唐適脩衰典先
我素王公襲其封世奉蒸嘗惟聖子孫表表昂昂
歲時來朝禮錫孔彰報効未伸蚤夜匪康祖庭百
儀適復其常魯山蒼蒼泗水湯湯鬱然孔林為公

之哉有子才良蚤服

寵章制誥惟新雲漢輝煌雲漢輝煌存波行刻碑
傍千載不忘

朝列大夫國子祭酒同脩 國史宋訥撰

故虞城縣儒學教諭孔先生墓誌銘

洪武庚申十一月十六日元虞城縣儒學教諭孔
先生卒於家葬後三十二年為

大明永樂九年也先生季子克中始以賢能膺五十九
代襲封衍聖公暨衆族推舉授曲阜縣世職知縣
既視篆率吏民遵典禮越二年政通民和凡邑之

山川社稷壇宇里社土穀神祠祖庭家廟洙泗書院三氏學宮次第脩葺輪然煥然什器惟備已乃狀其先人行寔偕其仲兄純夫謁時中於冷署拜且泣曰先人歿時仲兄纔十二歲克中南八歲皆未有知識於先人之存心立行雖未能知其詳然詢諸故老尚能道其一二克中因循之久未遑圖其所以不朽者夫今不圖深懼堙沒無以傳諸子孫克中實天地之罪人其何以立於世敢以狀請願先生哀而銘之時中辭不獲命乃序而銘焉

先生諱思政字近道

直聖五十四代孫宣聖子孫當五季時爲外孔氏戕殺幾盡獨泗水縣令諱光嗣者雖全家亦遇害幸其妻張氏先抱其子仁玉時適艱寧得免於難仁玉後爲宋龔封文宣公文宣生四子曰宜憲冕勗今之子孫皆其後也勗生朱御史中丞道輔道輔生宋刑部侍郎宗翰九世而至先生先生生而敦篤巍然若成人曾祖諱元恩祖諱之英考諱濱字魯臣皆隱德不仕先生幼從蔡大祥諸教授遊通經術然不事詞章之習惟務於踐履年弱冠或有勸之仕者則口吾斯之未能信僅領虞城教諭曰惟

數學半是所願也既即教席嚴條約以身先之士
子樂從之學多有所成就至今人稱之曰近道先
生云後見元政日亂遂退處於家謙以自牧雖子
弟進謂躬自答之出遇童穉相與爲揖亦必盡恭
謹無有慢易之態其際事物人或以言相侵耳若
不聞或有以勢相凌亦不與較已而侵者凌者皆
自負愧曰先生長者輩徒自薄耳由是鄉黨宗
族愈加敬重以古君子稱之迨

聖朝興運聿新文治凡

宣聖子孫待以優禮不煩以政先生遂以優游鄉里以

教子睦宗為事樂其天年時干戈甫定人民未
有力者莫不占籍肥饒田地以為已業先生獨曰
積田以遺子孫子孫未必能耕吾能守吾先廬足
矣遑敢又占其他乎惟葺先廬以居今孔林南門
之西側是也妣李氏昆仲三思範思常先生為之
次娶李氏鉅野之士族閑於婦道後先生八年卒
洪武丁卯十二月二十六日也享年五十又九子
男三長克淵甫三十而卒娶石氏次克一娶劉氏
次即克中娶陳氏女二長適石恕次適劉澤皆同
邑士族孫男十希誠希詠希誼希古希崇希韞希

勉希準希敬希恭孫女五尚在室曾孫男二人曰
訂曰禧尚幼姓元至正癸亥二月二十四日享年
五十有六以卒之月十六日葬於

聖祖墓西南九十餘步李氏附焉從生瑩也嗚呼天下

之至貴莫如脩身天下之至富莫如積善天下之

至樂莫如教子三者有一焉尤

生三者之具備乎宜其子孫賢

膺也天之福善驗矣哉銘曰倚

之懿知金之

職行而志時運

蹇阨際元季遂捐所業退隱避謙卑自牧犯不校
睦宗教子以為事出處去就安其常俯不作方仰
不愧奚豐所蓄薄所施乃啟厥後昌以熾從知至
貴在德誼不在高官與崇位復知至貴在善積不
在堆金與殖利先生孫子慎勉疇繼繼繩繩罔或
墜

孔頴孟三氏教授文時中撰

故翰林國史院檢閱孔公墓誌

族長孔公卒後之十七年是為

大明末樂之十九年也其子思楷以父行實錄簡授孔

顏孟三氏子孫教授張敏欽文諸石以示永久其
孝可爲尚已按狀公諱溼字世清

宣聖五十三世孫也祖諱元敬仕元爲興化路經歷父
諱之僅仕元爲深澤縣儒學教諭公自幼篤信好
學性多穎悟談及經史輒造淵微與人交久而益
敬甫十三隨兄世川之南臺侍御未及下車先訪
儒碩立志不凡存心高古雖弱冠年度如老成人
善詩詞酷好春秋以至群書子史罔不博覽至癸
卯借福建行省左丞李公彥開府海陵京師文淵
閣之識與不識咸加敬愛美不稱焉公有德君子未

幾以明經授興化路學正再授温州路教授四方
學者爭從之游允設教先道德而後文藝前後生
徒無慮若干人雖其稟賦不同皆能因其材而篤
焉後改興化路知事識者爲位不稱德迺拜翰林
國史院檢閱一時俊彥罔不推尊逮夫

聖朝龍興有元失馭以閑良官隨例居臨濠時五十五
世孫國子祭酒孔公克堅以公一派子孫特蒙

奏請遂釋還鄉里令長多族洪武壬戌以曲阜世職
知縣缺員循例選拔互相可否公率闔族若干人
悉造京師

皇上親問罷封與世職知縣歷代以來相應典故衆皆失常公獨出班應對敷奏詳明

天顏孔喜由是深加眷遇特蒙榮宴人各醉飽比回復錫楮幣以資路費

思至渥也先在京師族屬有欲復業而力不能者公以白金五十兩以資之以周其用復與馬以代步趨曾不知與之較績惟孔氏祖庭廣祀若干卷苦心刻意九年乃成洪武甲子科舉登第山東等處以禮幣徵為試官次科丁卯仍復廷和能文
章以公去取俾多士獲進身之榮而於

之嘆後之論山東取士得人之效多歸於甲子丁卯之科求樂已酉六月二十一日以疾終于西鄒里第享年七十有六卒之月二十七日塋于先塋之次禮也公娶呂氏元廣東道肅政廉訪使呂公伯益之女子男四人曰思愴思楷思樞思桓皆能紹續箕裘女一人適前翰林承旨李公彥聞之孫孫男十三人曰克絜克奐克疇克昱克勛克擘克晏克响克景克晟克旻克皞克旬俱能讀祖書公平生仗義疎財不拘小節處已接物悉本於誠無窘步無惰容雖初寒盛夏暑正襟危坐淵然若有所

思望令人起敬即之令人愛慕綽然有古君子風
且能謹守禮法以御諸孫信乎不忝為神明之裔
而為闔族之軌範也謹述梗槩以著于石俾來者
有考于斯云為之銘曰彼美君子素王之裔歷代
伊何五十三世曰父曰祖仕版相繼惟公明明聰
察智慧群書子史莫不究政杜遊閩越親炙道藝
日就月將罔或廢墜航海來京羣賢惻憐兩擢校
官學徒咸萃再授運幕牛刀小試識者有言得位
弗配乃遷翰林檢閱文字一時俊彥忻喜無旣
元矢馭四海鼎沸

聖朝龍興閑良有例僑居臨濠重卜甲第嘗有祭酒
公一系特蒙

奏請以遂歸計公率族人躬朝丹陛

帝有問焉獨先應對敷奏詳明

天顏潤晬匪惟榮宴仍錫楮幣公在京師闕窮恤匱公
在家庭纂脩殘廢累典文衡克甄殿宥有子有孫
世濟美利有德有才素稱仗義處已待人一誠無
偽盛暑祁寒危坐端立望之儼然即之敬畏無忝
神明無忝族類刻銘于石千秋萬歲

孔顏孟三氏教授張敏撰

五十七世孫襲封衍聖公神道碑銘

公諱訥字言伯姓孔氏世家魯曲阜前資善大夫襲封衍聖公希學之子元中奉大夫襲封衍聖公國子祭酒克堅之孫嘉議大夫襲封衍聖公累贈通奉大夫河南江北等處行中書省叅知政事護軍魯郡文肅公諱晦之曾孫寔宣聖五十七世孫也公魁梧厚重寡言笑篤學恭謹不以貴胄驕人士大夫喜與之遊樂善好施遇孤負不克婚葬者雖傾貲濟之無難色又能詩工篆法人得之者皆傳誦誇美相貴重華聞益彰洪武癸亥居父原

國哀赴京祭

孝陵既竣事人見

天眷喜隆顧謂廷臣曰孔訥真聖人子孫遂賜膳光祿命禮官館于太學遣尚書劉仲質勞問日繼庖廩復賜衣物鈔錠充牣館舍將俾襲爵以居喪乃止服除丙寅正月朝京師既見

上大喜即命禮官卜日授爵於是二月二日拜襲封之命受誥大廷百僚班列仍勅禮官以教坊樂導送至太學學官率諸生二千餘人迎於成賢街觀者莫不贊嘆光榮明日入謝復賜襲衣宴於禮部

又明日釋奠于學廟以拜

命告恩禮之加古未有也初行誥詞吏部奏用資善

階

聖諭曰既爵公勿事散官但誥以織文玉軸為異耳遂為故事每歲入覲得給符乘傳班序列文臣首厚其廩餼下及僮從此又古未有也公天性仁孝待宗族克盡禮意奉祭祀極其嚴敬至於廟庭脩作朝夕程督竭其心力不以為勞洪武庚辰九月十六日竟以疾終得年四十有三以本年十月二十六日葬祖林村考墓也夫人陳氏繼商氏王氏子

男四人公鑑公鐸公鈞公鑑公鐸封衍聖公後

公二年卒女五人俱適名門公鑑之子彥縉今襲封衍聖公公之冢孫也曾孫一人曰承慶公歿後二十年墓無文彥縉將樹碑墓道以昭先德來請銘其詞曰

維道之高維德之厚金聲玉振以昌厥後歷世五十而又七葉偉矣聞孫克紹先業宇量恢恢威儀帖帖明詩習禮光華煜燁天之所與族之所宗保佑申錫格于

宸衷榮名尊爵超軼顯融寵恩異數維聖之崇佩仁服

義如守憲律終始惟一靡有愆忒由來龍蛇賢人之嗟溘爾長逝德音孔遐祖林之源楷木蒼蒼若斧若堂昭穆相望維公之兆祔考宅幽既封且固世德作述延畀後昆慶澤斯流刻詞樹碑永昭厥休

朝議大夫國子祭酒兼翰林侍講國史總裁胡儼撰

承事郎曲阜縣知縣孔公墓表

故承事郎曲阜縣知縣孔希範者孔子五十六世孫也歷官十有七年以目盲致仕踰年而終享年

六十有五既葬之五年其子詢寓書奉狀來徵墓

文公字士則元中奉大夫襲封衍聖公國子祭酒

諱克堅之子嘉議大夫襲封衍聖公累贈通奉大夫

河南江止等處行中書省叅知政事護軍追封魯

郡公謚文肅諱思晦之孫累贈通議大夫禮部尚

書上輕車都尉追封魯郡侯諱浣之曾孫曾祖妣

李氏祖妣張氏皆追封魯郡夫人妣張氏元濟寧

路總管子仁之女封魯郡太夫人公天資穎秀器

宇魁岸自少侍中奉讀書成均精勤博涉已爲人

所器重元季兵亂侍中奉歸闕里入

國朝王師下中原有

詔即闕里起中奉公侍行當是時

朝廷褒崇先聖於中奉特加恩禮而公之兄希學仍
襲封衍聖公族人復以賢推欲薦公知曲阜公曰
先聖德澤均被後胤吾兄弟豈得獨專其美於是
讓其從叔父克當克當卒又讓其從兄希文希文
卒既而族人卒薦公遂拜世職之命寔洪武二十
八年春二月也公爲政直道而行於宗族於鄉人
不以私廢公不以恩掩美我遠近之間小大親疎咸
懷其惠邑嘗有豪強誣細民代戍邊者其人上下

聞即民被鉗制受誣不能自直公嘆曰吾爲令民
枉而不理非職也乃具本末力辯於上官由是細
民得直而罪其豪強其他效尤者遂斂跡初五季
時有外孔氏嘗冒聖緒因亂肆毒幾絕孔氏至其
子孫亦假託世胄覬覦徭賦公曰是亂吾宗今
不明後世莫知矣乃力斥其非絕不與通因以宗
譜重刻石廟庭本又原委繁然別白千百世之下
雖有昧冒不能察也四代祖考墓隧之碑闕公皆
建立上以昭先德下以貽孫謀其志勤矣哉凡族
有喪不能舉邑有窮獨死無後者徃徃具棺斂以

墓之人有孤子女貧無以嫁娶者又給資裝爲之
嫁娶今襲封衍聖公彥縉公之從曾孫也初在襁
褓而孤公保育調護俾克成立歲時祭享皆主於
公而事無大小不避愛憎一切視爲已任由是內
外族姻無不順適賓禮往來各得其宜至於督脩
廟宮而著其功能墾復土田而增其歲廩衛先陵
而申樵採之禁贊公府而杜請謁之私凡於宗家
無不盡心焉乃以永樂十年十一月初八日終於
正寢是月丙午葬祖林之原孺人畢氏有賢德克
相其家後公五年卒其墓也祔于公墓子男三人

曰詢曰誠曰嘗嘗早夭女四人俱適賢士孫男八
人公貞公英公欽公良公綱公恕公禮公溫孫女

四人皆在室嗚呼公之心純而正行潔而方才敏

而周政通而和孝友忠信出乎自然高懷雅量不

見畛域而又文以詩書節以禮樂雍容揖讓於其

間信乎神明之裔卓然不可及矣而遺愛之在人

者詎可泯耶謹論次其德善用表諸墓以告來者

朝議大夫國子祭酒兼脩國史胡儼撰

勅贈文林郎曲阜知縣孔君墓表

君諱希武字士繩姓孔氏

宣聖五十六世孫也永樂辛丑六月二十五日以疾卒于家春秋五十有八既葬於祖林之西北原矣越三十年是為景泰改元之歲乃以其子譔恩贈文林郎曲阜世職知縣明年春譔述職京師因介其族人翰林檢討鐸奉君狀請曰先人之沒宜得顯者表墓久矣而遲徊至今者非敢後也顧念不肖孤叨承教誨弗克沾一命為親榮不孝是以僂俛祗懼不敢自違無以慰其私心今幸明天子特垂收錄又揆其所自錫之而先人得蒙顯焉於是不有以表揚之不孝莫大

頭竊有請也嗟夫譔之言如此尚奚庸辭按君之曾祖諱澄元翰林待制曾祖妣劉氏封夫人祖思復登仕郎穰縣主簿祖妣畢氏父克伸

國朝曲阜世襲知縣妣李氏封孺人君兄弟三人於次為第二為人秀穎端重可愛弱冠侍其父官舍共效子職恂恂然儉約自持未嘗以門地驕人父母沒喪祭盡其禮與其兄士膺弟士端友愛篤至平居賓客之會尊酒咲談昆弟之情驩如也待女兄翁恩意尤隆暇日課童奴治農桑以植生業歲計有餘輒推以周貧乏不能償者折其券族姻鄉黨

多德之君自少知篤學博聞強記經傳子史百家
之言靡不通折然恬於勢利囂然自適泉石間鄉
人知其賢爭遣子弟從之遊君為教嚴而有方各
隨其材誘進之凡經君指畫口授者咸底造就故
君雖以布衣終其身而人稱其為鄉先生者無間
言云配胡氏兗州府學訓導復禮之女有賢行封
太孺人子一人諤也辭業通敏克承其家正統乙
丑曲阜世職知縣員缺襲封衍聖公彥縉偕族人
薦授前職女四人皆適士族孫男一人公郁孫女
四人曾孫男二人彥祿彥禔曾孫女二人君平生

力為善或者徃徃謂君之才不得一官自效為可
惜者然君孝友善于家問學泚諸其徒惠澤被於
州閭鄰里聲聞傳于人人得非所謂亦為政者與
聖書責歸榮及丘壟為善之報至是而驗若謨奉
欲表揚其親亦可謂克孝也已因書之俾刻于墓
原

資政大夫太子少師兼戶部侍郎翰林學士知
制誥兼脩國史知經筵事恭和蕭鎡撰文

五十八代襲封衍聖公孔公墓表

公諱公鑑字昭文姓孔氏宣聖五十八代孫而世

為嫡自高祖至考皆襲封衍聖公高祖諱思晦階
中奉大夫贈河南行中書省參知政 謚文肅曾
祖諱克堅階通奉大夫官國子祭酒祖諱希學階
資善大夫考諱訥妣夫人陳氏子男三人公其長
也生而岐嶷稍長端厚簡重不妄言笑而嗜問學
讀書窮理日進月益其器識闊遠齊輩莫及也持
身以禮而事親至孝親沒哀毀屢絕復蘇終喪不
一踰於禮度歲時薦祭竭誠敬如生養者既襲封
衍聖公益慎儀則物物下鄉里就對之又明以
疾終庚辰四月五日也年歲二十有三

無間識不識咸共悼惜

太宗皇帝初臨御遣使賜祭公妻胡氏孔顏孟三氏教
後進士胡復性之女有婦道一子彥縉襲封衍聖
公彥縉與余同

朝夕間泣謂余曰惟先公之行之實不愧古人而棄
代于今二十有六年墓石未有列詞願徼惠執事
庶貽不朽嗟夫孔子明先聖之道立教萬世而禮
為大防天下之人其言與行有一弗迪於禮不可
以名士矧為孔子之後者哉聖人嘗謂其子不學
禮無以立如公者真不啻孔氏之後哉悟乎年之

不永而世莫睹其所至也故撮其行之可以

者表諸墓道
榮祿大夫少傅兵部尚書兼
華蓋殿大學士廬
陵楊士奇表

贈承事郎曲阜縣知縣孔君神道碑銘

宣德元年二月十二日

制贈曲阜縣知縣孔克中之父思政為承事郎曲阜
縣知縣母李氏為孺人於是克中將柩碑于墓用
昭

國寵表先德於無窮而以前進士黃謙所述事伏請

文思政宣聖五十四世孫宋御史中丞道輔其九
世祖也曾大父諱元恩大父諱之英皆隱居不仕
父諱濱元洙泗書院山長有師道母李氏三子長
思範聖澤書院山長次思政也字近道魁偉有雅
量嗜學自少壯至老手不釋卷博通經傳而以窮
理為務恒持不自足之意嘗為虞城縣學教諭躬
勤勵以先諸生而啓迪有方每諭諸生曰學道必
見諸躬行拒徒知之而已其平居蹈履確實皆素
所以教人者以是諸生心服之禮未歸不出惟以
奉親為樂俱養至孝親喪哀毀屢絕禫猶食粥私

居不苟去禮服見子姪必冠帶與儒生朋友講議
道德必令子姪侍側使浸漬長益於時賢士君子
皆樂內交焉遇人有急必周之有質券者曰吾豈
計償哉不受有犯未嘗校而犯者亦自媿悔求謝
故里中號長者不屑意生產晚惟樂志琴書吟詠
而已素無疾一日忽若不憚然者顧諸子曰吾其
逝矣若等惟力學務善以無愧孔氏須臾卒洪武
庚申十一月十六日也時年六十有九李氏鉅野
名族有令德後近近年之八年十二月二十六日
亦卒年五十有九合葬之處距宣聖墓西南九十

餘步從先兆也子男三克淵先卒次克一克中
舉賢能知曲阜今十有九年行義治蹟灼灼有可
稱女二長嫁石恕次嫁劉羣皆儒家孫男十希誠
希詠希誼希古希韞希崇希勉希準希敬希恭女
孫五長嫁貢士王軫次嫁董蘭次嫁賈博次嫁典
仗范文一未行曾孫男十二訂檐訓誥諗蹇謁登
誣訥雪謳銘曰

凡世之氓咸勵于脩庶光所生弗貽之羞矧厥殊
源神明之甯自彊以續其敬或後宣聖為法天下
萬世矧時厥家祗率可念惟近道甫躬潜在下考

德暨行不忝于祖不忝為孝匪學弗臻尚克有承
在其後人

榮祿大夫少傅兵部尚書兼華蓋殿大學士廬
陵揚士奇撰

承事郎曲阜縣知縣孔君墓表

洪惟

國朝統一寰宇文教誕敷首

詔尊崇先師孔子命其子孫世為衍聖公復簡求其
族之賢者主曲阜縣事誠盛典也君姓孔氏諱克
中字正夫實宣聖五十五代孫永樂辛卯擢曲阜

知縣

特賜勅命授承事郎君自幼聰慧喜讀書每於聖言
有所得輒起而歎曰此吾所當力行者也及長智
識超卓言動不苟嘗自謂出自聖裔不以禮義持
身可乎故事親事長孝敬篤至凡所經營必協矩
度於是聲譽日彰既莅縣事撫輯有方施設有序
吏民愛之而尤夙夜盡心贊輔衍聖公為其所當
為尼山祖廟先聖坐域諸祖丘壝及學校壇場傳
舍之類莫不增飾而完固之待宗戚賓友以禮撫
孤幼僕隸以恩冠婚喪祭者必資助之飢寒失所

者必周恤之由是舉族稱其賢一邑頌其德邑人
有杜徵者君愛其惇敏勸令就學至捐俸爲擇良
配徵賴以成業其樂於爲善類如此宣德壬子六
月庚寅卒得年六十有一卒之日聞者咸悼惜之
是年七月癸酉塋先塋之側高祖諱元恩曾祖諱
之英皆積善有聞大父濱洙泗書院山長父思政
虞城縣學教諭以君貴贈如君職母李氏贈孺人
配陳氏封孺人涿鹿衛指揮同知陳玉之從姊儀
行具美內助克勤子男四人希崇希勉希敬希恭
皆惇敏好學希恭授宗人府儀賓尚

